

鉅

水

齋

詩

集

餅水齋詩集卷十四

大興舒位立人

上章敦胖

新年

臘雪連春雪新年凍未開井斜堆作麴屐齒滑於苔綵仗鞭

牛出

元旦立春

紅鐙走馬來雙班輿轎價利市笑重儻

蘇俗輿夫以元日至

五日倍索常雇之值名曰雙班

春水三篙淺春泥一尺深辛裘寒自釣鴻爪濕難尋冰柱詩

人膽梅花天地心玉鑪三澗雪何處抱青琴

鬱壘黏春勝勾芒換歲除硯牋無上品禿筆不中書隱或山能買傭猶廡自居到門題鳳字不厭禮文虛

鸚鵡地圖

西洋地毯圖載此地爲南極下野區新同南墨利加  
火地皆爲第五大州曾有佛郎西舟於大浪山望見  
有地就之惟平原潏蕩入夜星火瀾漫一方無人但  
見鸚鵡名曰鸚鵡地

精衛銜木石爰居享鐘鼓海水不可量海鳥不可數讀山海

經注蟲魚譜鸚鵡鳥自歌鳳鳥自舞謹上符瑞志爰自湘西起

鸚鵡

宋書符瑞志鸚鵡出丹穴鸚鵡起湘西

鸚鵡天開鸚鵡地到此人門鬼門閉

千山萬水鸚鵡圖千秋萬歲鸚鵡世佛郎西天海空大浪山

星火紅溫帶以下無血氣惟見三百六十之羽蟲同公共母

相祖宗朝奇暮偶相雌雄放卻雪衣女飛出白頭翁以水爲

家神謀鬼功以鳥名官地絕天通不必朝雲歌一笛不必訶

陵貢五色言語有鸚鵡滄海應須置重譯飲啄有鸚鵡桑田

徧種紅豆粒緘札還教青鳥傳比鄰定是鳥衣國我聞安息  
西鳥卵大於甕如是鸚鵡地張騫不鑿空又聞師子國雜處  
龍鬼神如是鸚鵡地亦復無人民或化杜鵑作天子傳驛吐  
蕃飛鳥使綠鵝一叫金花牀波斯驚鳥噉羊死乃設鳥了帥  
突過回鶻隊人居鵠腹中騎出魚脊外雁臣朝處自三呼鸚  
父尋來當萬拜作經者誰晉師曠解語者誰魯公冶羽化者  
誰西天觀自在羅羅蠻蠻烟波渺然綠魚羣飛白雉孤還鰲  
室虬戶萬目不鰥蛇洲峰岑一腳踢翻圖形於馬牛其風之  
水勒銘於雀鼠同穴之山獨不見盤皇手鑿古千秋又不聞  
鄒衍口談大九州如是鸚鵡地陽冰陰火無停留將泛昆侖  
枯查或乘宛渠螺舟張帆徑度西牛賀洲操觚直寫南極地  
毬受降百萬鸚鵡如蜉蝣若籠鶯若狎鷗作賦不加點誦經

不解愁夜來夢惡何所九羽民毛民相與膈膊趨郊極郊極  
何所有有麒麟鳳皇回首鸚鵡地惟見天風浪浪海山蒼蒼  
墨利加黑水洋波羅蜜白雲鄉中國聖人波不揚沙蟲猿鶴  
一葦杭滄江夜夜虹貫月乃在鴉飛不到山以外而居三千  
日月萬二千天地之中央

仲瞿字余次子鎮樓曰仲舒竝叙詩見贈矜此意而懼  
其弗克荷也乃作此報之且爲樓勗

高陽八才子倉舒實居首得姓或以名氏族譜最右其先舒  
鳩氏乃是皋陶後華胄雖遙遙舒城尙仍舊龍舒有五名鉅  
鹿近北斗氏族略舒子平與舒鳩子自是二國舒城故有龍舒或曰舒有五名一曰舒二曰羣舒三曰舒蓼四曰舒庸五曰舒  
鳩望出鉅鹿舒堅本簪纓楚公族有舒堅舒鮑不匹耦  
公大夫有述祖德有然譽兒癖則否仲瞿愛仲舒津津不啻  
舒鮑無終

口錫嘉自可矜濟美豈云守惟漢董太中學貫天人久弟子

笑先生步舒牛馬走

來詩序引漢書呂步舒仲舒之弟子也未見仲舒少稟嘗笑仲舒之愚云云

吳有今仲舒虞翻之所厚齊有蠻仲舒巴東之所詬唐有高  
仲舒宋璟之所叩宋有溫仲舒寇準之所偶思義乃顧名好  
學不記醜濯纓辨清濁括囊无譽咎不然此玉杯祇可覆醬  
甌君今悅情話是造鳳樓手親雖爾雅無仲器前和余詩有  
親於爾雅無稱謂  
之句蓋謂釋親無  
父之僚壻一條也字則漢書有友于作弟昆酷似惟甥舅數  
典敢忘祖多聞仗益友

寄題許春池進士檢書圖

時爲鎮江教授

夢斷青藜太乙垣十年通籍老文園買來清俸多題帖召入  
中書便寫宣觸手尙餘三萬軸撐腸何止五千言鉛黃淨本  
丹青引夜燭晨鐙定幾番

昨歲金沙折柳條  
宛邱學舍隔江潮  
盤楹何必庚辛枋  
打槩剛逢丁卯橋  
月旦魯訛文早定  
風林吳詠興難消  
扁舟準擬春深去  
橐筆琅嬛手自鈔

邛後同惠書寄示近詩竝葉條生詩集卻寄

兩卷龍蛇一鯉魚  
今年笑口乍開初  
明知詞賦工無益  
且喜江湖迹未疎  
風月三千應讓爾  
烟波十四眇愁予  
幾時便得雙雙至  
不爾南邛我卜居

題吳江葉枚秀才改吟齋詩集

富貴逸飽煖貧賤役聰明與角去其齒  
天公善調停譬如熊掌魚嗜者不兼  
兩孰重而孰輕舍魚取熊掌忽讀改吟  
詩此理悟不難飛鳥遺之音香草日以  
蘭繁華本非願虛空可不壞具區三萬  
頃浮雲爲之蓋

彭甘亭有遊山詩一卷久存僕處曾爲題後二首去歲  
祀竈日蕭子山還其東附書奉寄封題既就子山放棹  
今春重達前函仍爲二詩見意竝題其歲暮雜感上元  
紀事諸律後

靈運曾爲蠟屐遊洪喬不作致書郵傍誰門戶雙飛燕渺此  
江湖一點鷗但買黃羊醉司命勝騎白馬取封侯今年詩債  
從君借償到梅花未肯休

祇教相憶不相逢帶水簪山似夢中文字因緣香火社功名  
身世馬牛風南邨卜宅清琴少東閣招賢布被蒙歲序崢嶸  
詩律細玉鉤重向夜航封

青陵臺甄硯歌

硯爲阮雲臺中丞所藏上有青陵園三字中丞以六



書正譌攷之知爲古文青陵臺字也

琵琶歇絕胭脂暈猶賸青陵臺一寸鸚鵡紋斑碧血飛鴛鴦  
篆小黃泥印石不能言鏡不圓誰從香徑更懷甄昔年楊柳  
樓臺下今日琉璃硯匣邊磨洗烟苔歸落葉密字相思粉蛾  
貼祇應淚滴玉蟾蜍定有魂飛驚蛺蝶東南初日照扶桑西  
北浮雲墨瀋香但看金谷樓頭月莫管銅臺瓦上霜

嘗從官尹兼借裘於送還日附呈二詩

自非沒骨花忽入不毛地春寒惻惻來我裘亦已敝觸熱豈  
襌襪忍凍聊徙倚旣乏改爲資實賴與共誼遂修咄咄函因  
見戀戀意深於獻紵交比諸釋褐例天公念孤寒陽春俄豔  
裔此物有時還此情何可棄

右借裘

孟嘗東流返連城西笑歸暫得快自足久假知其非無憾君

固若有約吾敢違皮相豈不附毛舉幸毋譏君看五陵道同  
學何輕肥大夫或求帶將軍誰解衣彈缺既三歎還書仍一  
紙此詩非苟作此事乃庶幾

右還表

### 讀淮南子作

矣自言尊亦可傳著書猶賸外中篇衰蘭已墮銅人淚叢桂  
難招玉女天千古文章出賓客一時雖犬盡神仙不如樹雉  
虛皇側窺井怱怱八百年

### 四珊瑚樹篇

吳淞總兵官楊華言嘗泊舟澎湖南之西嶼其地海  
清見底然懸絙百丈測之不能及也中有珊瑚樹四  
株大可合抱巨魚十數環之若典守者然奇姿異珍  
蓋目擊也

手不把巢父釣竿身當坐楊僕樓船長風汗漫破大浪浪靜  
忽到清泠淵車乾海水空見底四珊瑚樹一海裏陽水陰火  
五千年上天下地九萬里是何光熊熊九霄銜燭龍是何形  
茗茗四維斷巨鼇水精宮對紅雲居駭雞泣鮫負巨虛朱鼈  
不浮赤鱗舞毋乃琴高所騎之鯉魚我思聲風木乃臨因桓  
水以北東方朔井蛙不可以語海我思烽火樹乃植積草池  
以北南越王鷁鵠不過巢一枝何況屬賓限絕域拂菻爛磐  
石玉樹青蔥瓊樹新珊瑚婦人遜顏色安論王愷二尺石崇  
六七尺除非月中桂八萬戶所種不然池上桃三千歲而貢  
賜不及白花椿拙犀獻不及丹邱瑤璣扶搖猶幸可相依  
沉淪畢竟難爲用我聞百年之樹在樹人疑丞輔弼皆奇珍  
鐵網恢恢不到處海根紅殺珊瑚樹

題陸萬房閒吟半百影詩卷

織得囊中錦來吹市上簫形神相贈答身世轉蕭條  
參入六如偈醉逢三客邀虛空能不壞色相莫輕描

只道詩無敵誰知畫不成人非才百里家近石三生

萬房由常熟令

除授蘇州同守旋以籍隸錢塘與五百里之例不符被議左遷  
池蓮葉在何似且聞聲  
閩兩柳揄笑無雙顧盼驚玉

依韻奉酬彭二甘亭答贈之作

身行萬里讀萬卷腳底胸中常戀戀明知行路既多難況復  
讀書豈能徧誓捐俗慮伸雅懷舊詩既去新詩來上元細字  
水精夢一笑昨夜鏗花開鸞鳥自歌鳳鳥舞公等錄錄噲等  
伍神仙未有不英雄如此裏言忽輕吐子能行之修常居鹿  
盧躋有琅嬛書三食聊防羽陵蠹再來豈是桃源漁埽除方

寸諸變相島近蓬萊苑附闔縱未胡麻飯阮劉也應蠟屐吹

禽向姓本是彭名亦佺

余少名佺癸卯鄉試後始改今名

一南一北兩點烟

洞天福地有歷劫明月清風無價錢何處男紅與女綠過眼雲烟看已足依然捫蝨坐青山路不可行書可讀

奉和見題丙辰歲遊山詩卷之作

彭兆蓀

十五年前詩一卷千仞飛車夢猶戀天涯同調舒元興細字蠶眠題欲徧平生鬱鬱海岳懷五窮驅我塵市來靈妃玉女久相待洞花望斷櫻桃開君詩感人欲起舞君才倣儻暫劉伍短衣長劒昔從軍鐵甲光中筆花吐青油幕下難久居光範門前空獻書年年乞米傍公府非官非賈非樵漁丈夫不具封侯相合早抽身問蓬闔英雄變策乃神仙除此茫茫更何向君如決計求僦佺我亦蠟屐排松烟

巢由不用買山隱何必愁乏青銅錢春岩迴風瑤草綠胡  
麻同畊飯應足此詩便作息壤盟習與靈威丈人讀

陳桂堂太守信宿西湖鶴林道院次日招同劉曙布衣

朱爲霖顧翰兩茂才及僧念深往會遂遊紫雲金鼓二

洞有詩紀事余亦繼作

棲霞山頭霞不飛先生與霞同一棲朝霞微紅暮霞紫竹杖  
芒屨二三子入山一里山已高叢篁疑雨松疑濤忽地慈雲  
開洞府一塵不動風寥寥易石峰前尋小憩獨到秋豪恣游  
戲先生逃暑亦逃禪白鶴分明知此意開軒促席舊山青青  
山與客雜醉醒恍來人去酷吏佛口道月儒五星上山紅  
日三竿影下山彈指斜陽冷未知著屐定何如飢來且喫蓑

衣餅

是日道人餉此

松毛場訪仲瞿紅柏山莊因感雲門氏之化愴然有作

竝寄仲瞿

趁著歸鴉指舊柯蓬門開處夕陽多散花劫證諸天女種樹

書留郭橐駝

老僕陳喜候門

過眼雲烟難供養等身金石與消磨鬢

絲禪榻真成識合付王郎斫地歌

阮吾山茶餘客話載某至西湖見一處門聯云兩口

居碧水丹山妻太聰明夫太忙四面皆青燐白骨人何寥落鬼何多正仲瞿所居處也

宋宮人斜

芙蓉本是斷腸花誰取西陵作帝家行過玉鉤橋畔路無人

知有玉鉤斜

漢皋錄別圖爲瞿花農別鵲題

此柳依依惜此筵丹青引裏又雲烟恩恩間過花生日六十

年來十六年

圖爲王蓮心太守所寫是乾隆六十年乙卯閏二月花農于役武昌時也距今嘉慶庚午恰十

六年

酸鹹滋味別離時玉笛梅花豈夢思定有滄江虹貫月二王

書畫況題詩

謂蓬心夢樓兩先生

如是湖山畫更難朝朝挂笏等閒看不須拋得杭州去只有

東坡作此官

花農方以鹽運分司改官別駕需次杭州

劔門關宋輔文侯牛皋墓下作

皋字伯遠汝州魯人以戰功積官至成德軍承宣使  
紹興十七年上巳日都統制田師中會飲諸將秦檜  
使師中毒皋明日遂卒墓在樓霞嶺上

兩山忽作劔器舞中有將軍一抔土強將之下無弱兵柰何  
不死疆場死樽俎三日糧氣如虎三月酒毒於盡可憐此酒  
持此糧何不直抵黃龍府



馬塍尋姜白石故居

絕妙好辭家宮商書歲華吹簫人不見紅殺馬塍花做帚三生石秋聲一樹鴉東西無宿草樽酒卽天涯

葛嶺

直上初陽百丈臺長空紅盪海雲開神仙雞犬昇天去宰相沙蟲據地來油壁車前芳草綠銷金鍋裏畫船灰分明一幅丹青引賸水殘山只費才

七夕花神廟作

星河迢遞月嬋媛秋諾相逢竹素園若向天孫來乞巧便教玉女爲傳言夜深古樹眠流水人靜涼螢坐斷垣雲錦七襄絲五色今宵先織護花幡

鐵人

撼山難撼岳鑄鐵莫鑄錯壤汝萬里城構此三字獄爾不如  
金人排立秦咸陽亦不如銅人雙擢漢建章且不如石人青  
山望故鄉又何似泥人黃土搏湯荒爾既非木人刻割孝子  
傷大有似草人縛射酒徒狂左曰奸相檜比肩妻氏王右爲  
万俟卨屈鄴俊也張鬼神無所禱夫婦粲成行誰作跽而請  
直欲走且僵恨鐵不鑄矛以刺賊臣頭恨鐵不鑄鐘以銘將  
軍功痛飲黃龍府鐵不鑄樽俎招魂五國城鐵不鑄鐙檠而  
獨鑄胚胎屈鐵鐵跪階傷心南渡事一十二金牌

西湖水清見底游魚可數客有譽湖爲絕勝在是者僕  
意殊不然也作詩喻之

江海青蒼混太虛西湖猶得視溝渠水真綠淨不可唾畢竟  
能容幾箇魚

當年修築爲田塍唐宋諸賢攬轡澄若話水光三昧事世間  
還有玉壺冰

雖是空明絕世姿蕩根萍葉也離披蜻蜓管甚閒消息却遣  
朝朝立釣絲

仙山樓閣望中開魚鳥雲沙倒影回爭似本來無一物菩提  
非樹鏡非臺

湖上曉起

荷花一萬柄開在水當中路入孤山社門迴曲院風露華珠  
徑寸峰影翠連空清曉無機事白鳬如老翁

張伯治自寫姬人杜耆爲憐影圖索題乃取玉谿金荃  
詩句以爲緣起凡四首

對影聞聲已可憐義山句花飛釵動本天然分明綵筆朝雲夢

難得郎君手自傳

曾謂無雙今兩身

飛卿句

影中人對畫中人畫中迹莫銷魂者

況箇銷魂是當眞

小姑居處本無郎

義山句

十樣圖催一面妝似此娉婷嫁張碩

前身必是杜蘭香

一夕橫塘是舊遊

飛卿句

桃花潭水水潭頭如何已載西施去

更向西湖寄玉鉤

伯治頃來杭州卽寄此圖還吳水潭頭則杜所居也

### 飛來峰歌

飛來峰來何從或云中天竺國靈鷲東白猿呼之躍而出至  
今湧現青芙蓉飛來峰來何意乃造三天竺山靈隱寺一動  
一靜石不言打盡葛藤無一字飛來峰來不飛當時不飛來  
在彼國中亦足奇由此一念錯墮落三菩提有朝飛還天竺

國城郭猶是人民非飛來峰飛不去不去亦不住記得飛來  
是何處來如雲在天去如簾倚樹來時一笑天竺山去時八  
萬四千路飛來峰來何爲飛來峰去安歸君不見空青天半  
落峨眉何曾飛到杭州來

宋小茗孝廉

咸熙

見訪竝貽尊甫學古集牧牛邨舍外

集遺詩二種感此賦贈

見君如見故人時況有千秋兩卷詩一字謹嚴皆手定十年  
契濶此心知曾因標格逢人說再到湖山恨我遲稍喜傳經  
心事在風流儒雅亦吾師

小茗精經學所著甚富已刻有古周易音訓二卷頃以見貽

晚歸湖上看雨有作

錢唐門外水粼粼細雨斜風趁釣艖若把西湖比西子湖心  
亭是捧心人

遠山一角尚斜陽咫尺陰晴未可量若把西湖比西子者邊  
龔服那邊妝

奉別梁山舟先生

十年前泛西湖月但見西湖不見佛已未歲自吳入楚夜泊段河頭遲明郎渡江去

靈山一會花笑拈靈光一殿仍巋然老學菴中人不老兼有

一身儒釋道參同契守三庚申造榜天逢兩丁卯先生丁卯重宴鹿鳴

先於邨舍人家壁上見前丁卯浙江鄉試錄一紙題名是科有周天相者重宴鹿鳴亦錢塘人也此事最奇可入嘉話錄

遂教書掩文章名南宮北海皆成精李邕之記序米芾之韻語並皆巧妙而為字所

掩世不深知我求公墨兼求筆千秋從此成雙絕時乞先生寫舊作昨來

徑上雲林堂一卷車後塵垢囊甚欲頭低謝宣郡居然身遇

賀知章頃以拙作就覽矜許懷中一刺今何處恩恩拋得杭

州去歸掉扁舟夸向人原來佛在西湖住

書洪更生榜眼所撰督師李忠毅公長庚墓志銘後

兩石強弓一字丁樓船海水老龍腥碧埋無地神仙骨白掃

經天上將星盈篋謗書兵氣墨終篇本傳史才青玉門關外

生還者留與將軍勒此銘

洪於戊辰撰文已已逝世

天子門生宰相書賜環恩重此生餘老爲江海三年客身是

乾坤一腐儒鵠版盛名開筆陣雞碑妙迹入堪輿

忠毅墓志爲梁山舟

學士書戴金谿比部篆額

丹青粉墨招魂徧可有紅簫墮下居

西泠講舍與桂堂錄別

已見西湖又見君來時烟月去時雲山林經濟紅藤杖文字

因緣白練裙曾與花神同眷屬

講舍毗連花神廟

忽隨漁父唱離羣

秀州不隔蘇州路翦得吳淞水半分

時桂堂將還松江余過吳門相約放棹計程當

在嘉興分路

崇文書院前樓塑祀四賢爲唐李鄴侯白文公宋林和靖先生蘇文忠公余小住旬月時獲觀仰乃於回櫂日各附一詩

六井誰先鑿唐朝李鄴侯斯人纔一出其利已千秋身有神仙骨功兼將相儔峴山牟叔子魂魄定來遊

但代嚴休復愁逢李贊皇湖山春管領祿俸吏收藏白公罷杭俸多

聖官庫繼守者公用不足則假而復填如是者五十餘年官自中朝貶詩從外國償白公隄上去留得地皮香

高士結廬處孤山山不孤上書無北闕招隱有西湖香月梅花社丹青放鶴圖同時陝郊寺還得似君無

初判熙寧日重知元祐年宦情無後輩香火亦前緣不負三千石能銘六一泉至今遺愛在誰解宿湖船



依韻奉和甌北先生重宴鹿鳴詩四首

做官閒暇做詩忙肥遯春秋有勝光

壬遁家以午爲名上已勝光見吳越春秋

上已

簪花初及第

公乾隆辛巳殿試第三人

後庚選佛又開場神仙無病纔難

老富貴能文便可長欲認同鄉徵故事鹿鳴三拜答諸郎

戊午

家伯父觀索菴堂先生重宴鹿鳴丁卯學士翁覃谿先生重宴鹿鳴皆籍大興公實中式前庚午順天鄉試云

家住江南黃葉邨敢將凡鳥字題門

公上春會調

三朝人物

星占瑞千古文章日近

恩

公官中書嘗直軍機及改翰林亦備侍從

足底雲烟

靈運屐眼中庸保長卿禪嘉賓到處成嘉話親向西湖見許

渾

梁山舟先生於丁卯重宴鹿鳴頃在杭州謁見之年八十有八矣而如五六十許人

卻從後進憶前程百二韶華孰重輕文苑傳兼循吏傳句臚

聲接凱歌聲戎韜六詔曾傳檄仙籍三天早注瀛多少埋頭

鑽故紙算公不負此鎗槩

中年烏哺晚鷗盟一往深時自有情五福最先惟老壽此人  
尤異豈科名官階 天上親通籍公嘗言自臚唱散館以至外推郡守監司皆出自  
聖恩特簡無他薦舉者詩律人間敢背城若作同年真惟事三聲雛鳳  
一時鳴公兩子一孫今科皆與省試

寄懷玉壺山人

梅花開時別君去君在梅花香裏住匆匆八十一胭脂落花  
無言夢君處君住吳淞我吳會此水東流一衣帶夢中相見  
醒相思起對梅花三百拜一枝初贈江南春秋風彈指思鱸  
蓴雖然滄海難爲水幸有天涯作比隣謂姜大曉泉在弊居道南祇隔一牆畫  
中有詩詩有畫詩亦無題畫無價若教一字易一縑畫君與  
我梅花下

四詠閣圖爲戴甥貞石題

陽爲甥清風涇故居今既易主自寫此圖

水竹三分屋二分昔年高詠散如雲卻將此地蘭亭敘寫入  
羊欣白練裙

清風明月價錢無到處園林似畫圖只此臥遊良亦好但驅  
烟墨不催租

棄家容易買田遲紙醉金迷彼一時畢竟流傳無別物絳州  
園記輞川詩

老我平生萬里遊山居也待畫中留相逢失笑何無忌四十  
年前大石頭

仲瞿嘗爲余作留待山居圖余生大石頭巷今此屋亦已三易主矣

平望陳愛廬枉書寄示尊甫亦園寄曠廬遺詩刻集多  
不佞昔所商定者展誦終篇感歎彌襟

腸斷鄰船一笛塵呼童重與損文鱗別離已是成前世著作  
猶能付後人但有雕蟲留篆刻更無捫蝨話酸辛虎邱山色

鶯湖水彈指華嚴涕滿巾

吳淞江上即天涯未抵山陰雪後槎作序頗知心鄭重開函

忽訝字天斜

前歲余在松江攜君詩卷自隨且爲作序君來訪余吳門力疾留書而去既卽委化此序君固

未見也

文章千古拋心力懷袖三年感鬢華當作荊州段柯古

女青男紫自成家

錢韓石侍郎藍筆畫蕙爲何芸生秀才

恩照屬題上題

云乾隆丙戌科載蒙

恩點入內簾校士閱卷已竣循

用藍筆寫蕙花一叢以自賞三月廿八日翰林學士秀

水錢載又墨筆題云癸卯之秋予告歸里重九後三

日雨窗無事檢閱舊篋中得見此幅丙戌所寫已十有

八年矣邇來年邁抗弱不能有此勁挺之筆故重識數語存之

分得三條燭拈來一瓣香紅邊逢杏鬧黃處趁槐忙四十年

前作三千里外藏離騷經注徧銷暑與重裘

想見含豪者風流忽邈然染袍新柳汁開膀蔚藍天青眼曾

如此紅心祇自憐有人傳綵筆花樣不同前

紀夢詩爲單二治中作

單嘗夢至一處詠詩云偶然出世便忘家竹露松風景自華滿地白銀皆片石一天紅錦是殘霞蓋卽事書所見也甫就四句有觸而寤

一詩未就一夢醒卽以夢醒爲詩成金剛偈子只四句有句無句嘗惡趣當君入夢時未起作詩念及君題詩處請以此夢驗一剎微塵一劫灰虛空排出金銀臺補天五色碎於粉夜深一口紅霞開此時詩興紛如織此際夢魂空卽色重尋定似武陵谿微行已到華胥國詩中有夢夢有詩非詩非夢名希夷叅來活句三生石悟得前身一字師夢中又嘗自改出世爲避世請下轉語訴真宰州不可添詩可改文字輪迴八十家真靈

位業三千載當君作詩時未知在夢中及君夢回日始覺此  
句工君不見寇萊公到海只十里過山已萬重又不見杜牧  
之辭春不及秋昆腳與皆頭飲水則常知原登峰不必造顛  
善詩者不解善夢者不占治中別駕龐士元神仙宰相李長  
源出世如出籠忘家如忘筌楞嚴經裏現身說岫嶼碑中散  
手還

久旅忘家  
岫嶼碑文

可惜

可惜當年醉舞盤可憐今日曉梳鬟楊枝駱馬誰能遣蓴菜  
鱸魚且未還輒喚奈何三弄笛不如歸去一重關蓮鴻不語  
蘋雲語腸斷浮沉晏小山

題霍小玉小像

一代紅顏一曲釵朝雲樓閣夕陽街誰知好夢蘇姑子賸欲

將身作錦鞵

定情主簿太恩恩腸斷青門老玉工十二萬錢容易得一鬟  
無價此圖中

櫻桃花下新婚別豆蔻梢頭薄倖名昨日黃衫今紫襖英雄  
兒女各吞聲

人間外傳里中娘往事重尋勝業坊此是紫烟新樣子銷魂  
顏色返魂香

薜蘿香影圖

陳雲伯攝令常熟訪得河東君墓旣修而刻石記之  
復繪斯圖徵詩爲題四首

山上薜蘿逐漸繁斂魂縈骨望平原前身合是白楊樹此地  
可憐金谷園花散維摩空悟道海填精衛忽償冤分明三見

螺桑後霜鬢麻姑有舊言

緼得巫山一段雲  
曉然春夢太紛紜  
殘山賸水黃天蕩  
豪竹哀絲白練裙  
豈意文章成浪子  
有人夫婿擅將軍  
祇陀錦樹橫波詠  
不及吳姬紀我聞

濯纓解佩兩無瑕  
宿草依然見落花  
墮淚碑非銅爵伎  
返魂香在玉鴉叉  
紅妝末路鉛華盡  
青史名山劫火譁  
莫話真娘少年事  
一堆黃土似蝦蟆

一縣河陽手自栽  
紫蘭香徑重徘徊  
珍珠密字三生石  
風雨高樓八斗才  
本事詩中圖畫好  
招魂曲裏珮環來  
自從鏡聽詞成久  
更與然脂序玉臺

曩嘗爲鄭三雲作河東牧鏡曲

魚山神女圖詩爲吳更生州佐作

更生昔祈夢於于忠肅祠  
彷彿見所謂魚山神女者



已而將爲濟上之行復夢至神女廟遂有衣酒之賜  
又遙擲玉跳脫一枚於懷而寤錢唐顧洛爲寫魚山  
神女圖紀之以證他日

縹緲虛無不鑿空青腰十萬紫蘭宮  
竭來風馬雲車外攔入  
膠山絹海中碧落光陰纔顧免黃初  
詞賦瞥驚鴻重逢跳脫  
看年命不覺靈犀一點通

銷魂三券古驪駒選夢東山絕世無對影  
聞聲如解珮封情  
忍思爲投壺繡旗偃月韋安道玉盃流霞  
項曼都說與癡人  
渾不信冥冥來上此珊瑚

滿壁滄洲化紫烟  
賸教綵筆箇中傳  
裴成寶軸三臺序

吳穀人祭

酒作

賺得銀勾七卷箋

梁山舟學士錄王令升智瓊本事一通并跋

歷歷星辰迷

昨夜堂堂歲月省  
他年仙山樓閣神絃曲  
可是當時便惘然

綠衣三百色如何況有黃裳著述多宣室漢釐猶見召陽臺  
楚語豈全訛惟中太一神君法袖裏烟波釣叟歌留得左宮  
青玉枕萬方儀態未蹉跎

吳更生借書圖

讀書者不藏藏書者不讀百年千載憂一借萬事足君不見  
借錢不燒券借地忽亾鏹借宅背有然借馬今無俗其他借  
衣不修幅借車或說輟假蓋護短雨漉漉使臣如借不當僕  
借妾生子笑可剗不如借書一緘書過目還書一緘書在腹  
眼中有五三大經胸中有二十八宿殷中軍下百二籤李鄴  
侯觸三萬軸羽陵蠹魚不噬臍綠林豪客不視肉祖龍之炬  
不障便便簾一客過橋徙倚林木一僮抱書得得隨屬借書  
歸來無量福衣錦晝行復邦族此非長康封寄桓元廚乃是

吳氏西齋舊目錄

重光協洽

隻輪車謠

淮濱濫觴秦郵涸轍率彼曠野無將大車自六安溝  
至清河縣舍舟而行凡四日粲爲是篇

若風從若雲從長安道上紅塵紅獨不見車如流水馬如龍  
爲雞口爲牛後太史公者牛馬走亦不失車如雞栖馬如狗  
乃至舟居無水陸處非屋三十輻共一轂大車之輪大輿腹  
無輓無軌屢顧僕臣以爲馬又無足謂之爲牛又無角阿膠  
不止黃河濁當歸不寄青山曲或推之或挽之風蕭蕭日遲  
遲羊車入市我無此姿驪駒在門又非其時謂我公車兮謂  
我私腰纏十萬鶴不知吁嗟乎說法三車滅其二讀書五車

忘其四夏書四載無是製冬官一篇未嘗記誠不若君子之  
有光乃忽如國士之無雙毋亦天之生是使獨也猶勝匹馬  
隻輪無反者

徐月樵別駕受篆裏河相見於清河官廨招飲贈行去  
已未歲武林枉餞倏踰十霜因口占一篇記之

一曲黃河一鬢絲重逢非復少年時拖泥帶水新車轍選恨  
抽離舊酒卮宦跡還君千里駕詩情老我十年芝夜闌翦燭  
從頭說拋得杭州有夢思

清河逆旅逢沈五中立

欽裴

卽與同行書此爲約

誰知出門笑復此對牀眠自比裴中立相逢沈下賢名經佛  
國記高詠帝京篇伴侶如陽五從君貰酒錢

東海蕭生行

過蕭望之故里作

生不幸逢丙吉霍子孟猶得逮事后蒼夏侯勝此非東海蕭  
生耶何物宏恭石顯中書令大將軍光誠不學兩吏挾持稱  
露索蕭生之志豈抱關蕭生之身已出閣倉頭廬兒王仲翁  
躬策甲科道不同明經達學劉更生名儒茂材備諫爭平原  
太守左馮翊蕭生前後兩引疾烏孫昆彌元貴靡蕭生上議  
反歸娣豈知蕭生小過五大罪一華龍鄭朋互羅織一曰舉  
朋黨再曰毀親戚皇帝尊師重經術其收前將軍光祿勳已  
而賜爵關內侯有詔加恩車騎中郎長子伋吁嗟哉蕭生爾  
本東海識字畊田夫致身富貴何所圖前有謁者召致廷尉  
獄後有太常急發執金吾乃謂門下朱生字曰游鵠烏爲媒  
無久留朱游者誰實朱雲戴崇彭宣非其倫始知蘭陵蕭長  
倩絕勝蓮勺張子文

劉醇甫編修招集萬柳堂同樂元淑沈文起兩孝廉作

近郭春風滿路香楊低柳合舊時堂偶然雅集逢初地

在拈花寺

不覺閒遊到故鄉法侶能無三宿戀詞科何止一莊荒泥他

種樹書長把茆屋詩聲共夕陽

時朱野雲山人補種柳株而覺性上人爲之啟

阮雲臺先生招集拈花寺卽用見示寒食日遊萬柳堂

宿寺中三首原韻

言登杜陵夏來看長安春一寺入花裏萬慮滌水濱旣欣開  
徑益復愛種樹新坐次列勝侶談次思古人棗饒祀九烈楊  
柳如其神

香界花將離人海萍乍合顧茲譙鳳城榮於題雁塢肉食佛  
不饑皮相竇無雜先生倬直遊茶烟颺禪榻願樹如人長春  
陰周四市

秉燭難爲歡招攜及清曙錦囊燦若霞紗籠碧於霧無絲竹  
管弦有風雲月露種柳一萬株拓池三百步西山爽氣來銜  
杯得少趣

仲瞿改名於禮部曰良士系之以詩

不撰封禪書何以忽慕藺相如不作富家翁何以有似陶朱  
公且非河間北海趙邠卿又非天祿石渠劉更生張祿稱孺  
子梅福成老兵當時但識宋郊榜若輩焉知羅隱名名如畫  
餅不可食枵腹者誰噉名客糊名已燼燭三條題名不拜經  
千佛旣不能畫凌烟藏太室復不得出三江入五湖埽地打  
鐘者識字畊田夫呼牛爲牛馬爲馬謂鵲不鵲身不鳥補遺  
前定科名錄添註真靈位業圖金甌之下覆宰相轡螭李志  
身無恙銅柱之上鑄將軍蕭娘吕姥手有文君何不作杜鵬

舉身旁曳腳讀碑取又何不作庫狄干署名逆上如鎚穿而  
獨入太學舉孝廉暢言自呼駒夢不占忽聞蟋蟀聲開出麒  
麟函叱尉北平今李廣避賢南史舊王曇乃知名字同形影  
不必風月山水景移名就字以字行譬如改邑不改井況不  
禁重名李榮述作譜亦不避嫌名韓愈辨最苦惟姓有萬名  
有五卽不敢若仲尼謚顏回許北魏有都督謚仲尼見魏書  
漢有許遜字顏回見顏氏家訓方氏夫子齊丘超曾參士人孔子武漢有薛方丘字夫子  
見唐書宰相世系表宋齊丘字超回見南唐書諱和士開士人曾參見  
北齊書乞伏熾盤時有征西將軍孔子見西秦錄慈母亦見  
疑羌帥羞與伍以及鎮東將軍劉同州拾遺魯魏鎮東將軍  
劉乾字天方見金石錄同州魯孔丘安得數典忘其祖董蠻魯漫張蠡之  
爲拾遺見朝野僉載  
虱錄錄不足數何況蕭鵬已曾鶚脯本是諸孫王慧龍不刪  
大將韓擒虎或曰已孤不更名乃是名爲父所定又如復所



改曰生則知名爲君所命舍此二者例可通顧名思義將毋  
同東方虬對西門豹苟鳴鶴見陸士龍丁度以姓別盛度蔡  
雍以名付顧雍程立加日上闕澤在月中前爲狐篤後馬忠  
誰歟驚坐陳孟公願如王鎮惡小兒聞之皆膽落莫若王安  
石與人爭墩不終日君不見斛律敦以金作屋封侯問何爲  
春城寒食東風峭別有韓翃知制誥

李黼莊兵轡招飲寓邸出示使琉球記讀之遲日奉題  
將以錄別

龍節曾經萬里回螺舟奇夢浪花堆雲養淡螺深乃先生十  
七年前夢中所得句也

至是奉使有純廟時領右旋定風白螺隨封舟往欽雨丸日月天邊見一品文章

海外來館閣自通仙籍近樓船早爲本兵開先生時以翰林  
改官中書充冊

封副使歸艤至温州北杞山擊退賊卻因餘事能傳信已是艇艤賊二十餘人當事者抑未聞也

輜軒絕代才

又著球雅二卷

低回天際舊龍門重許相逢酒一樽仕宦不妨居戶限江湖  
難記刻舟痕著書歲月窮愁好修禊鶯花感慨存一曲山香  
研光帽別離如此易銷魂

河東都轉劉松嵐先生嘗與先君子同官粵西比來京  
師辱見訪問記謁別桂林荏苒廿載乃呈兩篇

三十流年一鏡磨南天北地別離多乍逢下第歸裝急忽唱  
高軒樂府過舊事從頭紛易感新詩入手健能歌東山絲竹  
西山笏忍爲蒼生惜鬢皤

宦情吟興兩無妨卻把井州作故鄉

時從河東罷官眷屬尙留  
有井門十詠近詩

抗疏功名殊不薄著書歲月況逾長懷鉛敢與文章事撰杖  
曾居弟子行難得相逢皆逆旅春風滿店柳花香

題錢舜舉錦灰堆橫卷

舜舉自題謂榮悴互爲其根楊鐵匡跋之以爲各極肖物之妙

蓋所寫皆廚傳中之棄餘耳下有羣蟻趨之甚力用筆靈逸數色九工

動者植者錦一堆委而去之名曰次養於竈下非長物收入  
畫裏皆奇材朱門酒肉日醉飽不數冷炙兼殘杯鰕鬚螬匡  
螺蚌殼竹皮草骨蓮花胎此時品藻得珍異當日棄置同塵  
埃豈知齷齪萬螻蟻結隊早自南柯來菜根滋味苦不足五  
雜組曲往復回嚶嚶喈喈雀啄黍啾啾切切蟲侵苔據觚定  
可嚼復嚼漂邑不覺危乎危兔蹄雞肋彼何戀蜣丸鼠蠹此  
不哈以彼易此亦偶爾雖小喻大何殊哉淨名祇宜畫作餅  
好官無過多得財畫師寄興倘在此老莊之旨微而賅虛空  
粉碎不可說但見爽氣西山開

題宋于庭孝廉意山堂詩集

小宋斷斷然說經多古義及其引伸之往往出新意於書最  
精深於易有微契餘事爲歌詩音雅律頗細通才括三蒼盛  
學窮五際爲之倘不休豈不臻絕詣滇池繡黔靈是我舊遊  
地王粲從軍行歷歷尙能記愛其涉筆清不官事輒祭信其  
造語真不復作雉翳割愛良獨難苛論非所計旣欣嗣好音  
亦願絕流弊相逢春明門過從若成例我已十上書君亦三  
下第或驚爲腐儒或賤如餓隸一卷冰雪文日月食之旣欲  
聯桑梓情竊附葭莩誼且歌公子行竝入宰相系此事非偶  
然好學以砥礪使有身後名勿作霸上戲

女兒酒詩松嵐丈席上作竝以送行

嫁女作酒酒如雨不重生男重生女女兒家住東湖東春槽  
夜滴真珠紅舊說越女天下白玉缸忽作桃花色不須漢水

醃葡萄略似蘭陵盛琥珀不知何處女兒家三十三天散酒  
花題詩幸免入醋甕娶婦有時逢麴車勸君更盡一杯酒此  
夜曲中聞折柳先生飲水我飲醇老女不嫁空生口

醇甫編修給假南歸於五月二日脂車及往送之則知  
易期六日因作此詩

菜花開後柳絲長也向春風舞一場芒種已過仍請假當歸  
欲寄自生香定知繞膝還家樂肯上需頭乞郡章聞道轆轤  
惆悵甚再遲三日是端陽

白櫻桃詩

未輸崖蜜十分甜一曲櫻桃是甚鹽可笑軟紅塵幾丈不曾  
飛上水精簾

牡丹難與買胭脂女樣珊瑚絕世姿比似白家樊素口夜深

私語淡妝時

分明天上露桃花粉碎恒河億劫沙  
杏子自紅梅子綠看他隨例鬪繁華

得比綬山也是豪者回不是鄭櫻桃  
世間滋味渾無賴但聽珍珠瀉酒槽

醇甫再遲歸裝仍爲詩以送之

去則爲東海釣徒住忽似西域賈胡  
至於不去又不住四十二緡雙轆轤

所雇車價如是

昨日唱驪駒今日聽鷓鴣只恐君家桃

花吃吃笑人慣其柰漁人武陵仙人天台而或道士之元都

南陽子驥及晨與禹錫皆木家也

初七及下九山路而川塗遲遲樂彥輔落

落蔡君謨

謂元淑中來兩孝廉同行

生不願北闕上書退亦思南畝荷鋤

外宅無短轅犢車江東有長柄葫蘆與爲立仗馬不若反哺

身愛誦誦梁上之燕惡泛泛水中之鳬歸哉歸哉大歡喜諸  
公皆去從此吾乃有劉生似祖生掉頭不住重行行家是  
第二泉人是第一名贈君不作襜褕子送君肯作惆悵聲車  
幾兩馬幾匹送者反行者息君不見丞相長史張君嗣吏部  
尚書何彥德

### 題圓圓小像

長洲宋翔鳳于庭記曰圓圓事吳詩及陸鈕兩傳詳  
矣今雲南府城五華山有延陵故王宮址周山麓皆  
其宮室西有華國寺寺中有樓相傳爲圓圓妝閣一  
日寺僧敬啟殿前美人像示余稱是邢夫人小影蓋  
圓圓史姓陳而當時府中則稱邢也余於庚申夏攜  
至京師屬朱野雲對摹此圖而以原像寄歸寺僧爲  
識其顛末如此案圓圓辭延陵出家峨眉見  
幾獨早留影而去蓋寓拈花微笑之惜云

武安席上事如何玉帳秦川夜渡河豈有佳人難再得可憐  
朝士已無多黃塵燕市三軍淚青史吳宮一曲歌至竟桓溫

老奴子五華縹緲睇雙蛾

卻寄沈小如觀察

一別遲遲又十年雲泥分占兩重天折麻已愛傳方訊行李  
猶教損俸錢車笠舊盟人有約江湖殘夢酒無邊清香燕寢  
徒夸語日見官河下水船

時駐節故城督餉重運

吹簫吳市未忘情擊筑燕臺敢變聲下第十科成故事中年  
萬里憶從征明知枚馬都無益稍喜龍黃獨有名持贈不嫌  
殊出處故人況我亦蒼生

城南鐙火圖爲于庭題卽送之冀州

宣武坊南路鐙花夜夜圓兩三親戚話尺五別離天風雨誰  
千載文章又一年替人紅蠟燭合作畫圖傳

粉坊街裏住門對虎坊橋蛺蝶初三影

屈復變竹枝詞月城蝴蝶兒飛上虎坊橋



衡衡第二條夜深如有約春去最無聊滿店柳花雪送君吹

洞簫

于庭贈玉屏簫

畢後又王後我居上下牀

謂于筠仲瞿兩孝廉子筠與余同逆旅虎坊橋仲瞿所居則在虎坊

粉坊之中畢萬之後見左傳耻居王後見唐書

塵埃猶有路風月豈無牆

唐彥謙詩塵埃一別

楊朱路風月三年宋玉牆謂朱野雲山人住粉坊琉璃街與于庭連牆余與于筠仲瞿數人往來過從尤亟今則有聚散

之感

杏或尙書開槐憐舉子忙吾儕白鷗鳥人海當滄浪

于庭既作城南鐙火圖話別頃行李將發復有五古三

篇見示乃如數答之情同而體異也

琉璃街外虎坊東海樣紅塵似夢中此日別離殊可惜昨宵

鐙火與君同川塗蹤迹三生定文字因緣一點通直道銷魂

了無益歡愉愁苦兩難工

知己分明作比隣升沉去住各傷神平生已歷半天下後世

不過此數人引入丹青看富貴寫將絲竹遣風塵舊詩溫厚  
新詩重如此腰纏未是貧

一硯燕雲十六州拖泥帶水出盧溝喜無關吏收詩稅且折  
花枝當酒籌立仗不知凡幾馬忘機賸此一閒鷗祖生不語  
班生語忍俊攀條各自愁

將出都門作城南鐙火圖爲詩記之 宋翔鳳

同此九州人平生各相昧學問識所宗議論別支派遂成  
毛裏親不容稍芥蒂人海偶然來適適多所忤古思復誰  
數精進皆不退故園無半弓足以釋鋤耒多謝客舍鐙夜  
夜照吾輩

沈子富文藻臧生耽六經一去一復病零落如曉星

文起南歸

在東臥疾王孫坐說劍

仲瞿畢臥舒則醒

子筠與鐵雲

同寓虎坊橋酣歌雲欲

酣歌雲欲

住高議杯乃停試問千載前是何精靈萬言縱可錄四  
坐愁共聽慎毋呼月出草際多流螢

楊未泣歧途迷者猶可指如余憔悴人所向無一是東南  
竟無家西南近萬里抱病復苦飢流落長安市過從得諸  
公藥我言則起風氣倘尙存吾輩悉後死城南且休住跨  
衛請從始

張元卿孝廉屬題詩舲圖

不到空舲峽誰能和竹枝翦來半江水載得一船詩風雨歌

漁父烟雲憶畫師

王壺山人所寫

恩恩劉夢得解唱渭城詞

謂醇甫太史先

有南浦詞一闕題於圖左時方給假假裝

我亦華亭鶴扁舟數往還魚鱗金縷曲鴻爪小重山

金縷曲元卿昔

年寄贈之作小重山則余爲元卿所書之齋名也

撲面塵三斗關心水一灣停橈倘

相問日下指雲間

伏日蔣香度孝廉過訪有作

火繖撐炎官廣夏庇寒士二者致不同吾輩平等視心中仍

了然知已不知已後世更了然才子不才子嬉春發吳門過

夏滯燕市鄙吝時欲萌賴與諸君比畢卓子不飲酒城南同

臥起王珣仲忽捨宅牆東乍移徙瘦沈中立行最先小宋庭

去猶駛三徑忽然開蔣詡乃至止名士畫餅慙故人清風擬

卽此須臾間已具千載理是日氣候甚熱香度來甫坐定忽

清風來故人書作楹帖贈之并留食胡餅而去附注於此當入城南詩話也憶我方弱冠君名在

吾耳四十舉孝廉五十強未仕藹足踏軟塵埋頭鑽故紙游

梁賦旣成薦雄文不似君方畔半愁我亦捐故技心將狎白

鷗氣尙呼蒼兕神仙有疑丹富貴無循軌區區覆瓿者庶幾

危可恃歌舞饒鳳鸞飲啄讓蟲豸所得不如彼所爭不在此  
肉食固當鄙獮祭尤可耻要盟指青山知音在流水願言崇  
令名努力相終始如意擊唾壺不覺日移晷

苦熱詩五首

苦熱復苦熱日出風又絕無蟲可語冰有牛皆喘月忽然飛  
雹來盈懷夢瓊屑曾不數須臾其氣乃更烈我方杜門居門  
外謝雙轍蒼蠅入戶趨鳴蟬抱樹咽頗悔桑魏公錯鑄六州  
鐵卻想洛陽城俱臥三日雪

寒士非熱客過夏怨行役燄忽發李杜汗亦流湜籍筆硯旣  
如焚几案可行炙東海揚黃塵南山爛白石坐處但垂簾眼  
亦不貼席飲水煖自知改火鑽何益安得蒲葵扇取一於千  
百掘地而牀焉臣有左傳癖

浮瓜不可摘涼草不可覓蒸爲爛羊頭詛至家白醅渴若馬  
相如金盤貯玉液燒及薛孤延鬚眉鬬霹靂銀雲壓天末櫛  
櫛復滌滌謂當作甘霖雄虹而雌峴火馬望不休蒼鷹未能  
擊勞者方載歌笑者爲誰溺

自朝日中昃有粟不得食本爲飢所驅坐使默而息滅竈童  
子鴻躍池名士鯽徐陵今日來浩然何處匿侍郎可摺疊擲  
侯亦火迫冰山忽黷然溫帶之下亟不如逆旅中日夜無人  
識日袒裼裸裎夜輾轉反側

蕭晨雨欲集晚晴亦孔亟參軍屋漏來宰相熏籠立十丈軟  
紅塵因風無不入晴則爲然灰雨則爲拾汁一雨又一晴變  
理不暇給未必減煩蒸徒然多一濕幾疑獵狗烹甘作寒蟲  
蟄亦欲踐前盟乘車我戴笠

加贈巡撫湖南按察使傅鼎重菴輓詩

結髮從戎二十年五谿衣服萬山烟誰言名士難求死竟有  
文官不愛錢繫履星辰驚墮地乘船日月記朝天夏間請  
陛見  
殊恩異績疇交載付與龍門太史遷

消磨戰壘築降城全楚偏沅有大名五馬文章苗應試一犁  
烟雨士歸耕學書學劍萬人敵買犢買牛千畝成誰識征南  
杜元凱春秋內傳最分明

獨開地利破天荒忘卻三年百戰場循吏傳中思將帥功臣  
閣上化侯王競聞遺愛傳東里忍與招魂向北邙自有虎背  
堪痛飲不須惆悵蔡中郎重恭  
無子

姬隅曾共躍清池一昔班荆耿夢思草白龍番秋較射鎧紅  
虎帳夜論詩籌邊絕業催人老行卷浮名惜我遲折斷楊枝

歌薤露千秋灑淚此同時

論曲絕句十四首並示子均孝廉

千古知音第一難  
笛椽琴爨幾吹彈  
相公曲子無消息  
且向伶官傳裏看

苦將詞令當詩餘  
有句無聲總不如  
一部說文都注徧  
無人歌曲換中書

天寶梨園有舊風  
湘潭紅豆老伶工  
莫將一段霓裳序  
闌入元人北九宮

連廂司唱似妃豨  
蒼鶻參軍染綠衣  
比作教坊雷大使  
歌衫舞扇是耶非

笛色旋宮忽變聲  
京房纔死馬融生  
要知人籟還天籟  
歸南一串鶯



便將樂句贈青棠腰鼓零星有擅場協律終憐魏良輔安絃  
定讓陸君暘

綠繡笙囊侑笛家十三簧字鳳開花提琴搖曳雙清撥更與  
歌天作綺霞

蕭寺迎風記會真銅弦鐵板苦傷神雖然減字偷聲慣十丈  
韞瑜要此人

邨邨搬演蔡中郎樓上鐙花是瑞光一曲琵琶差可擬玉人  
初著白衣裳

玉茗花開別樣情功臣表在納書楹等閒莫與癡人說修到  
泥犁是此聲

流水清山句自工桃花省識唱東風南朝無限傷心事都在  
宣娘一笛中

一聲檀板便休官誰向長生殿裏看腸斷逍遙樓梵宇落花  
時節女郎彈

若向旗亭貰酒還黃河只在白雲間只愁優孟衣冠破絕倒  
當筵李義山

中年絲竹少年場直得相逢萬寶常他日移情何處是海天  
空濶一山蒼

看山讀畫樓圖爲華亭周鞠塋孝廉題

青天鋪紙雲潑墨皴山一山樓外立已教排闥送來看更與  
搖豪寫將入樓中人住畫中間兩潮綠滌雙烟鬢君既看山  
如讀畫我亦讀畫如看山相逢那得無相語軟者紅塵逆者  
旅比似野航人兩三只隔城南天尺五憶翦吳淞水半江高  
樓一面傍船窗不知花外山香曲何似門前水調腔

詠史

東風綠野草無痕老淚西河久斷魂故事翰林纔入閣當年  
節度憶開門忽驚放手三錢府早感磨牙兩姓邨留寫銘旌  
前進士相維終始是君恩

金虎恩恩封禪書可憐消渴馬相如三生明月迷圓澤一夜  
流星誤謝敷歎後詩成年未老節終禮重淚猶餘分明四十  
三龍首衣鉢黃扉數竟符

幾道輪回現宰官華嚴法界等閒看元都觀裏花如夢碣石  
臺邊律尙寒三世沙隄增作壘一篇草藁祕難刊朝廷衮職  
無中外方鎮何須怨罷權

金吾不禁漏仍催鐵柱無情奏卻回八座起居稱極品三公  
策免有重儻投壺那更逢天笑負乘還應名寇來乞與雙雙

作佳傳杏花從此不須開

不比緹縈罪見收恰如崇嶺意難留北宮嬰子今無恙南國  
佳人近莫愁獻策豈因借計吏凝妝何事覓封侯清涼山色  
三千里擊鼓噓嚨且未休

冬青頭腦夏黃公春去秋來各自烘逃入五行新樂府舉來  
第一舊中庸齊名李志應同噉變姓陶朱久未逢腸斷六么  
花十八搖鞭豈待管絃終

聖主賢臣禮數寬狀元宰相事功難蓋棺已過龍蛇歲簪筆  
何勞獬豸冠但有車茵供醉酒更無書札勸加餐誰知花信  
風吹後陽管還調一黍殘

晞髮陽阿有所思恩恩占夢替劉滋亢高那更營三窟頭責  
真難贅一辭席上衣裳搗鼓候牀頭賓客捉刀時師巫驗後

紅塵軟未敢留髭說鬢絲

周密癸辛雜志有不男之訟呼使驗之號師巫行顛

一寸黃楊一寸春歲差迢遞論超辰采蘭已許重修禊剥棗還教更詠幽點竄四時堯典字歸奇再撓繫辭人百花生日雙雙至把酒東風又六旬

不須矯詔已開倉萬歲歡聲徧五坊荒政書成騶欲飽素餐詩廢蠹難防重煩都尉來搜粟暫作神仙且夢梁失笑飢來驅我去相逢飯顆舐成糠

### 雪夜雜詩

一昔天花忽亂飛烟雲狼藉月依稀窮簷已作豐年想羈旅思尋間道歸夜永漸看燒燭短歲寒始悔典裘非不如解唱黃鸝者獵獵西風正合圍

幽蘭曾與儷青琴連日空庭作晝陰白馬三更豪士骨黃河

一箇酒人心星斜樹杪寒將曉風定簾鉤積漸深試問絲豪  
誰氣象依然低作白頭吟

菜市西頭米市東二三朋舊冷相同敝裘七尺瘦於鶴寶劍  
十年雕作蟲牆角不嫌施粉白陌頭差喜壓塵紅平生著屐  
知當幾正要衝泥訪數公

來從鄭綮尋詩路坐對孫康映雪簾未必著書真覆醬定知  
得句不稱鹽宋于庭昨自冀州還寓妹升繆微初中書宅其妹能詩歸期肯讓梅花發

別緒都隨艾葉添自撥鑪灰思往事城南鎗火夜慙慙

朱公詩屋擬陶公人在琉璃世界中朱野雲擬陶詩屋在粉坊琉璃街外國

文章三徑綠野雲與高麗狀元金正喜相善昨見馳書來乞畫竹中年絲竹一鎗紅連

與友人度曲齋中寒威夜夜催雙鶴別恨年年印一鴻若向輞川摹

霽景畫工畢竟讓天工

出門太早得歸遲花落長安有所思畫壁管弦當醉後對牀

風雨憶眠時如君豈合長貧賤到此翻成小別離隔著衡衡

三百步半緣修道半題詩

畢子均時移寓橫街圓通道院

飢驅不著祖生鞭十八泥犁尺五天東閣花開何水部

謂俞若琴

都水王仲瞿街西人住杜樊川也勝儂似洛中臥何不牽來

剡上船只我須彌如芥子待君趺坐一安禪

相逢人海好居諸情話蕭條宦海餘拓落十年循吏傳牽連

一紙絕交書入資司馬談何易折獄公羊計屢疎卻看三珠

連理樹彭城舊約愛同居

徐謝山刺史並直卿編修及季雅太學

于庭至自冀州出示詩錄皆刪定舊作也時余與于庭

先後東裝南去因爲評校一過而附題其卷端

自攜冰雪路悠悠細字蠶眠寫未休似我浪遊曾萬里與君

悵望各千秋風流儒雅能相賞零落棲遲那不愁又是別離時候近別離可念况勾留

留別謝山

落帽參軍拂袖官洞簫一唱鉞三彈生猶同世誰年少別已他鄉況歲寒十載青春狂杜牧一城殘雪老袁安至憐風雨催租者輕薄紛紛得此難

曩嘗與謝山同客逆旅有餞金之贈

君未還家我寓居花南雪北兩遽廬停橈且作同鄉問行路都從下第餘噉盡虛名無醬瓿負來重任有鹽車手中塵尾尋常物一再摩挲忍棄渠

酬別子筠

來向長安笑青春二月中闕疑過夏五認錯到冬烘裘敝不改黑花飛何處紅當歸一枝寄小草託西風



客去花無賴愁來筆有神  
半年歌舞地一日別離人  
文字緣仍在關山夢又新  
驪駒猶在路此事太因循

放歌行送別鐵雲

畢華珍

前不畏古人後不畏來者  
身不識金刀龜貝錢貨幣亦不  
省轡劉庾鮑任沈謝逢君於長安之市中  
酣歌擊筑將毋同一南一北  
自西自東人言君是燕趙奇士江次倩僕請  
自陳淮海之士陳元龍同不同異不異  
仲庸三異吾與子無其一元超三恨  
吾與子有其二席公非老師謝敷實處  
士胡爲乎手提馬箠腳踏泥濘行萬里  
路應十上科韓愈不肯薦無知不見過  
甌中生塵范史雲甌墮不顧走踆踆  
甌中焦麥李太尉流麥不知聲  
噦噦田先生衣何惡揚待詔儲何薄  
一徽終夕悲一彈三日樂一池春水甯  
關卿一

部鼓吹誰能廢君不見邕也逃遷也腐或雜庸保辱婢傳  
世人那得知其故中書君管城子劉臻兩漢葫蘆中劉敞  
七經夾袋裏恨不移書入肝腦或乃愛畫入骨髓晁錯浪  
得智囊名傳迪乃是書簾耳珊瑚木難釘頭木屑貪多務  
得細大不肯佚使相如稱弟子命屈原爲之奴又恐孔氏  
之門不用賦鳴鼓攻之非吾徒安能久事筆硯間乃知班  
生真丈夫君不見夜詣亦稱客日遊謂之神羞魏勃爲相  
國埽門效戴逵辭王門伶人彈箏誰謝孺子吹笙誰謝景  
仁止可自怡悅不堪持贈君臧熹撤樂太寂寂謝安絲竹  
徒紛紛今日樂相樂暮四而朝三明日樂相樂江北更江  
南置雞於窗無多談題鳳於門誠非凡干將補履寶劒驅  
蠅誰謂鉛刀不如青萍芝蘭當門牛溲入籠誰謂下藥不

金入元...  
如香草種請君勿作老女嫁河伯娶婦風斯下不如鏡湖  
一曲乘興去作雪夜遊古來好事無過王子猷君莫問賀  
知章四明道士狂不醒不如次公醒而狂君莫問謝靈運  
生天成佛事難論此邦人物姑置之不如獨往獨來一邱  
一壑或遠而或近江夏黃次公賜蓋一丈高願得安步以  
遊遨婺州李參軍却紙一萬幅願得飲河而滿腹吾儕是  
丹或非素只曉家雞輕野鷺今雨不來舊雨來諸公皆去  
吾欲去平生慕孔融忘年獲相從風起或當下吳會竹裂  
便可歸鷺峰他年登堂拜母爲置魚牲藥酒與君去訪成  
連海上之仙山同調高歌落星斗

別歌行一首留贈于庭

江南江北兩點烟歸人夜夜啼杜鵑仰天大笑出門去一十

六州三萬年人生離別尋常有乃君與我周旋久君別我時  
雨打荷我別君時雪壓柳來時君見我去時我別君見時相  
約有百事別時相送無一云君不見蓬萊山弱水迴合通銀  
灣髭鵲飛殘遲去秋諾安貴十萬黃姑錢君不見舍衛國祇  
樹孤園亘西極阿難一笑無從尋布地黃金仗佛力我欲手  
攀青雲梯以領叩闔天路迷我欲高歌白雪曲折楊皇琴聽  
不足夜從飛將軍猝發金僕姑手折鐵如意擊碎玉唾壺燕  
姬十五能當壚雙鬟倚花如畫圖哀絲豪竹有時有清風明  
月無時無駿馬之骨不用一錢買昭王高臺安在乎力田不  
如逢年夾筆不如執鞭行路不如閉戶眠千金之寶刀九節  
之靈簫曾不若兩錢之錐一管之灰廢書三歎今雨不來拔  
劍四顧浮雲亂開爲君吹玉笛爲我傾金壘一歌歌將離再

歌歌莫哀歌未已日將暮心中望君來眼中別君去來去相思渺何處短亭流水長亭樹

餅水齋詩集卷十四

餅水齋詩集卷十五

大興舒位

重光協洽

良鄉

曉出良鄉縣飄然雪一車凍禽飢嘯侶老樹醜開花官騎逢  
梅驛公羊賈餅家思量夢蝴蝶頗悔讀南華

涿

十五長亭路雄州百雉連積陽西嶺下霽雪大橋邊鐙火明  
雙轍琵琶凍兩弦今宵歌獨漉魯酒不成眠

定興

黃邨間白溝溝水繞邨流山月殘橫轡林風冷撼裘十年春  
夢杜五字曉行劉忽憶張公子辭家作浪遊

懷張九溥雲時以教習期滿請

選吏部張  
定興人

安肅

易水東流去若若築一城當年求匕首從此送荆卿關塞長  
虹氣衣冠變徵聲驅車重懷古成敗豈功名

清苑

清苑城如畫漁陽接范陽馬頭風獵獵鴉背日荒荒紅宇新  
開店黃烟古戰場飢來驅我去白菜似人長

定

路入中山府人乘下澤車酒思千日醉國後七雄除紅玉蕊  
難琢青山壘尙餘到門塵撲面風月好名虛

清風明月店皆州所屬

新樂

小縣過新樂松牌驛路分城空晴掃雪山遠淡疑雲地狹溝

渠廢天寒奧竈勤攔街邀客轡茆屋正斜曛

正定

懷古常山郡將軍太守閒一身膽是趙三寸舌爲顏佛坐龍  
興寺人行倒馬關滹沱河裏水到此尙潺湲

趙

傳舍經三憊陰晴春夏秋者回當歲暮此事幾時休畫壁水  
千載談禪茶一甌雨花巷外雨花雨雨花不

柏鄉

厠上柏人名蒼黃走以脛誰知中興日復有千秋亭河流野  
槐合山迤太行青冷喉絕迎送黃泥塗戍瓶

內邱

夜欵石門塞開門上石橋荒雞讎遠夢枯樹戰狂鷗新婦帷



金匱要略卷之十三  
二  
三曰詩人酒一瓢天明鵲山近  
鵲指單椒

邢臺

邢臺稱後趙可惜上東門牆下王夷甫閣中山巨源春秋十六國道德五千言逝者如漳水誰揮塵尾論

沙河

億萬恒河劫搏成一縣沙無風天蕩蕩有口雨些些灰黑昆明火塵黃瀚海查琴聲渺何處歸雁一繩斜

邯鄲

寂寂叢臺下滔滔洺水濱才人嫁厮養名士列仙真學步嗤餘子居奇得異人竟無絲可買難繡此君身

磁

飯訖滄陽驛臨流重惘然不知求水利空費雇山錢青殺三

洲荻紅收萬井蓮  
鄴元誠酷吏無礙著書傳

安陽

攬轡安陽道難尋  
畫錦堂逢時成仕宦絕代論文章南渡三  
亡國中原百戰場  
後來園記好可惜是他鄉

湯陰

殘夜漏沉沉城開古  
蕩陰欹橋霜滑馬禿樹月窺禽麥飯三  
更飽篝鎧四壁深  
因過鄆王里擊節記前吟

汲

墨子迴車地黃河入海時  
朝歌逢昧爽夜飲失千支衛國刪  
詩信周書破豕疑  
但教懷古蹟定不合時宜

淇

淇水環城北涓涓不受塵  
相逢遠行客愁殺古詩人渴可攜

茶具閒應理釣綸當年呼渡處曾濕幾車輪

延津

酸棗秦時縣香臺又一重但聞河改岸豈有劍成龍飢啄空城雀寒生別寺鐘可憐太叔段從此出奔共

祥符

渡河三十里城郭近祥符守歲逢今夕流年懷此都更闌仍仰屋明發又歧塗問我情何似青絲雙轡驢

元默涖灘

蘭陽

赤馬呼宵濟黃雞唱曉升雪晴千樹絮風厚半河水西笑趨歧路東昏指廢陵欲尋賈魯跡徧訪竟無磨

濟甯

假道出曹縣紆程入濟州轅駒何局促林鳥亦鈎輶人日新  
車轍詩情舊酒樓春風似相識吹我黑貂裘

清河

理棹來南岸停驂別北隄訛成三豕渡踏破一鴻泥事悔前  
期拙詩多隔歲題中天看月色脈脈向人低

自汴至此  
凡三渡河

山陽

試問通淮瀆東流爾許深人家低碧海土價賤黃金此水清  
難濁所云古異今叩舷鳴釜底何處訪胎簪

寶應

不覺望洋歎空傳得寶歌鱗宮如不隔雁戶亦無多閤議輪  
三策支流失九河憑誰銜木石彈壓此烟波

高郵

東指高郵路荷花曲有塘連年愁汎濫不日作隄防新婦思  
移竈鄰翁議築牆願君休打鴨當道有鴛鴦

江都

好在揚州月如何只二分銷魂何水部落魄杜司勛味外詩  
三味歡來酒半醺莫看人富貴我亦一浮雲

丹徒

夜泊瓜洲渡風聲挾水聲朝過揚子渡春雨雜春晴舟楫慣  
迎送江山閒有情青錢一百四直到潤州城

丹陽

春雨落江湖扁舟欲畫圖波平帆影重山遠墨痕麓岸草微  
垂綠林禽暗自呼停橈問前路鄉語聽西湖

武進

三日江東雨春陰歷舵樓禽言泥滑滑人夢水悠悠鐙火高  
城見鐘魚古寺修櫺舟亭畔路櫺此一扁舟

無錫

悠然見惠山山靜一船還天水晴雙鏡烟雲曉一鬟廼堆金  
井重茶品竹鑪閒風利不得泊其如潯墅關

長洲

關吏坐蕭晨開關不稅春歸哉今日事康了隔年人老母自  
逢吉山妻能食貧青紅小兒女爭拂阿耶塵

中春自吳門理櫂入越舟中口號

十日春陰半日晴半晴半雨百花生年年有箇花生日強半  
題詩在遠行

春來王粲慣登樓留得閒身作浪遊花事剛教指吳會酒痕

依舊認杭州

送人作郡自年年似愛名山入剡船誰信東塗西抹手且來  
細字寫蠶眠

渡江作

三渡錢唐去無端四十年天催兩潮汐人坐一江船細雨春  
帆影青山隔岸烟夫差水犀手對此亦茫然  
西興驛前路猶署望京門野草自春色江潮無舊痕籃輿三  
里健烏榜一鐙昏明日山陰道詩情與細論

蕭山道中詠西施

何處苧蘿邨天生此麗質人言西施能沼吳不知西施實沼  
越越王始用范蠡之陰謀甘與吳國爲仇讐闔閭將指拍櫓  
李伍胥目睛抉屬鏤吳王采蓮花越王采岑草越王口臭吳

王香吳王但道西施好范蠡進西施金錢看吳市范蠡載西  
施亦取黃金鑄苑蠡蠡乃出三江入五湖贈君以遁甲開山  
之圖九天玄女之兵符玄之又玄歸而遁其日神將虛擊孤  
疑將竊妻以逃者是爲後沼越先沼吳西施不來吳不滅西  
施不去越不絕吳亡在春秋越亡在戰國越王身啄吳王墨  
西施越女天下白須臾亡國破家蒙不潔一片無情浣紗石  
青簾古意詩

徐文長故居在山陰縣境之觀巷今爲陳氏宅十峰  
茂才頃以青簾古意集見示徵詩爲題四首

略似淮南杜牧之此人恨我不同時頗從冷淡求生活賸與  
疎狂作總持史筆青刪仙鬼佛酒杯紅入畫書詩秀才康了  
將軍去一樹飄零有所思



可憐富貴已浮雲不覺烟花又夕曛跋扈千秋窮措大揣摩  
八月爛時文彭亨豕腹誰無負讚歎龍天自不羣謂趙文華  
同見賞於提學副使薛應旂已而趙援巍科獨有孤蹤無著  
沈歸空門當時早有好才仙才鬼才之目處商量羅隱與劉蕡

感恩知己兩無言夜半軍門畫角翻上客文章祥得鹿中年  
絲竹慘啼猿鼓鐘豈作爰居享木石難填精衛冤誰識南州  
徐孺子生芻一束淚潺湲

酬字堂開此不貧勝教卜宅買芳鄰遙鐘促漏參奇計破帽  
殘衫爲寫真老屋百年三易主名山萬卷一懷人青簾若擬  
青蓮後捉住龍蛇泣鬼神

文種墓

在府山  
龍湫下

不出三江入五湖黃泉碧落一抔無山開後至防風氏浪卷

前潮伍大夫術數有靈天亦忌功名太盛勢尤孤西施網得  
疎難漏一劍南陽悔沼吳

蘭亭懷古

文不收蕭世子書忽嫌蕭御史狼藉昭陵蘭一紙巧偷豪奪  
米漫土依樣葫蘆趙承旨雁門本無雁蘭亭亦無蘭可憐三  
月盛觴詠不覺半壁殘江山處堂者自怡倚門者或嘯獨不  
見中軍將軍王逸少一書遺謝安再書答殷浩會稽王牋亦  
屢報終遣羣臣上尊號凡此真蹟皆不傳乃獨聚訟臨河篇  
將軍經濟掩文字山陰道士籠鷺至

青林寺

一樹冬青抵白楊人間天上各滄桑不知降表如何寫卻捨  
天魔作道場

茂陵金盃變浮雲蝴蝶飛來記錦裙難得招魂唐義士可憐  
晞髮謝參軍

大年年月淚連絲親拾寒瓊有夢思何處青山可埋骨袈裟  
猶挂萬年枝

誰遣攀髯五國城蓋棺消息一鐙檠青衣已做紅兜出馬肉  
何曾便得生

居然飲器用頭顱偷得驪龍頷下珠浪受虛名傳道學南朝  
一切一浮屠

朱西生秀才

綬

出示登香鑪峰絕頂之作因題其後

乍入山陰道如泊潯陽郭悠然香鑪峰烟雲起樓閣謝客一  
雙屐孟公五字詩君今凌絕頂宛我臥遊時

三月晦日會稽郡齋看雨

頻宵風雨聽雞鳴忘却身猶在市城春有歸心花自落庭無  
行迹草叢生名山豈爲鱸魚膾布鼓難欺霹靂聲獨向抱珠  
亭上望驪龍眠處亂雲橫

郡齋題劒南詩集

蚤膺鏤廳薦丞相惡其人晚作南園記丞相重其文當世無  
賢豪進退皆失身彼二丞相者誤國之庸臣我讀劒南詩適  
在放翁里快閣山蒼然沈園柳老矣人如杜少陵事異朱翁  
子長留天地間乃至無老死編修樞密院待制寶章閣君恩  
自始終國事殊憂樂符離久喪師武夷歸講學往往見詩歌  
抑塞以磊落杏花少年夢梅花歲寒情酒杯泥田父團扇書  
先生科第放風漢除非陳阜卿屈宋作衙官庶幾范致能

禹陵

首出神明數在躬山分南北水朝東靈承四海敷文命蠡伐  
三苗紀武功先甲痛心占幹蠱後期揮手戮防風萬重玉帛  
思王會一卷金書鑿鬼工傳子謳歌益益避配天俎豆與堯  
同陳疇早協元龜卜鑄鼎能教怪象窮別有荒唐開九尾須  
知付託閉重瞳放巢慙德原稱變霸越陰謀也自雄野史幾  
時殘紀竹谷神此地儉留桐佳城鬱鬱瞻雲氣片石乾坤共  
始終

賀監祠

四明狂客放歸田一曲烟波去渺然從此醺醺終日醉不須  
騎馬但乘船

青紛牆頭知貢舉黃雲城下謫仙人酒船不到稽山路捉住  
空江一月輪

如此頭銜痛飲時督郵從事步兵知當年開甕徵鄉味定是  
誰家好女兒

山陰歸舟

西郭門邊路烏篷雨後開三更殘月上兩岸濕螢來晨入蕭  
山縣城樓枕水隈欲題三百顆不見白楊梅

來是花生日春風一半強飢驅過寒食觸熱近端陽節物虛  
馳逐烟波接混茫布帆無恙在依舊渡錢塘

何處鄰船笛塘西乙未亭前期春水綠殘夢舊山青詩味杯

中月年華鬢上星黃門益梓日小品法華經

遇塘西感憶  
朱茗香助教

臨平山下路五月蕩花禪江水連湖水吳船換越船上弦平  
望月一角太湖烟慣聽儂歌起紗窗枕手眠

移居詩

僦屋查橋忽忽五稔今春牆圯移具於來遠橋則天水氏之舊館也已而書來屬遷乃復賃居於長洲縣前蓋至是已三易其處矣然祇半載耳

滄浪亭畔舊慈烏京洛三霜尾畢逋下第文章似招隱滿城風雨況催租若教露處慚非兕便作雲遊每憶鱸不覺吹簫成故事伍胥祠廟一隣孤

來遠橋後街爲伍胥祠

道南借宅周公瑾廡下傭工梁伯鸞塲占一枝初計拙鷗馴萬里舊盟寒幸攜東野車猶少欲卜南邨事轉難失笑杜陵營廣夏匠心畢竟未能歡

連城如畫古長洲草自蕭蕭瓦欲流烏鵲橋邊逢七夕金獅巷口載扁舟未妨巢幕驚歸燕較可還鄉笑沐猴但與諸君作吳語出三進四費牙籌

夜雨泊崑山城外

又聽風雨做重陽小泊扁舟興不忘五百年來才一瞬無人知有玉山堂

將之白下寄別松江郡齋諸君

直爲鱸魚自往還剡中歸後又雲間半年蹤迹欺萍梗四海交遊攬佩環城郭再來偏鶴化松郡齋向參一鶴康茂園先生權郡時所貽嘗築亭居之今亭猶在而鶴蛻久矣江湖前約媿鷗閒所欣俯仰無尋處青殺橫雲一點山

秣陵江上暮潮寬翦取吳淞入夢看會合因緣天最吝別離

消息歲將闌師儒雅望推高密

謂陸僑南郡博王理堂縣博

主客清遊憶

建安

郡齋何芸生吳春喬宋韻平三茂才及陳平湖學博周公子寶夫明經

更語雙雙饒太守

未償詩債兩尖團

陳桂堂朱意園兩太守前招食蟹歛園屬爲尖團韻詩至今未報



品茶圖

酒德近於春茗德近於秋水是第一泉人必第一流我如不  
勝三蕉蘇長公亦復過於喫至七椀之盧全然而平生足跡  
半山海酒債尋常茶事每有時受人一飯恩無處飲人一杯  
水露不賜馬相如雪不掃党太尉但讀茶經寫茶錄黃梁已  
熟茶未熟贏得三生杜牧之惟見茶烟颺鬢絲太原公子杭  
州家邀我題詩似小茶二月種茶樹八月開茶花肯把西湖  
比西子慧山中冷不足誇我將龍井下龍女密雲團月無須  
譁玉壺買春春不賒銅瓶汲水咽井華籠頭何必紗帽紗歛  
手少許鹽薑芽活火蟹眼琴沙沙此圖合貯滄江貫月書畫  
槎我是喝睡漢逃水厄鬪墨墨不黑鬪茶茶不白有酒時學  
仙有茶時學佛偶然讀畫動禪悅餅筵之聲樂一闕如是色

香味三絕不可思議安可說直須參透趙州關與君稱讚茶  
功德

吳門奉別周東岡太守

秋風門巷奉清班疇昔傾心乍解顏早向長沙來海曲又從  
吳會指雲間梅花東閣何隨府芳草西郊李義山難得相逢  
容易別一篇漁父太闌珊

吹簫彈鋏各成聲忽唱楊枝遠送行流水青山才子語鱸魚  
莖菜故人情中年仕宦綦留局下士文章餅噉名地位絕殊  
心跡在只應低首謝宣城

題陳廉舫孝廉品石圖

品石圖成開石面一卷石交題欲徧直疑東海袖中來又從  
羣玉山頭見丹青削出金芙蓉孰爲畫工孰化工但覺礪礪

而落落二十八宿羅心胸平泉甲乙誰醒醉石不能言發光  
惟君如肯作思話賞我亦甘爲米顛拜洞天一品標格高會  
昌一品功名豪泰山之雲膚寸合期君徧雨來崇朝

瞻園雜詩並呈陳仁山方伯

招鶴青山山騎驢白下門一中逢北海三上得西園香火千

秋蕭烟霞六代存絕勝短主簿捨宅記巢痕

江甯藩廨爲明徐中山王居第

園在西隅中爲公署東殿後七間樓奉祀中山並塑像焉

高閣茗亭際疎林掩映中清心泉滴瀝頰首石玲瓏池影躍

紅鯉松聲搖白龍西窗官樣紙夕照愛三冬

已轉千盤徑仍登百尺臺烟中孤塢出天際大江來桃葉因

風想梅花竹雪開蒼茫詠詩意絕頂媿非才

挹翠樓開處閒來一倚欄空籐少瓜葛古井不波瀾

井闌有清熙刻

字今 修竹得秋氣孤桐生暮寒牙籤三萬軸坐擁百城看  
松石蕭常侍雲烟王右丞琴聲何落落畫境亦層層雜興花  
爭發清談鳥欲鷹更攜銀海月來映玉壺冰

句容道上見雪

句曲山前雪作花驪駒聲裏路沙沙天公自種豐年玉愁殺  
寒林萬點鴉

路轉峰迴濕有泥石橋斜凍一條谿此山風骨嶙峋甚也被  
天花壓得低

茆庵佳處一鐘催絕頂閒雲逐漸開若向輞川摹霽雪四山  
粉本夕陽來

餅水齋詩集卷十五